

REPUBLIKA E SHQIPËRISË
MINISTRIA E DREJTËSISË

RAPORT MONITORIMI JANAR – DHJETOR 2023

STRATEGJIA NDËRSEKTORIALE E DREJTËSISË PËR TË MITUR 2022-2026

[2024](#)

www.drejtesia.gov.al

Përmbajtja

SHKURTIME	3
INFORMACION PËRMBLEDHËS.....	Error! Bookmark not defined.
PËRMBLEDHJE EKZEKTUTIVE	6
METODOLOGJIA E PËRDORUR PËR HARTIMIN E RAPORTIT TË MONITORIMIT DHE PERFORMANCËS	7
Koordinimi institucional për hartimin e Raportit të Monitorimit dhe Performancës	8
Periodiciteti i hartimit të Raportit të Monitorimit dhe Performancës	9
Fazat e ndjekura për hartimin e Raportit të Monitorimit dhe Performancës	9
Metodologjia e analizimit të të dhënave për raportin e monitorimit dhe performancës	10
Konsultimi publik i raportit të monitorimit dhe performancës.....	10
PROGRESI I ECURISË.....	11
REFORMAT E ZBATUARA ME SUKSES DHE SFIDAT KRYESORE	Error! Bookmark not defined.
PERMBLEDHJE E ARRITJEVE DHE SFIDAVE KRYESORE.....	11
ANEKSI 1. PROGRESI LIDHUR ME QËLLIMET E POLITIKAVE, OBJEKTIVAT SPECIFIKË & MASAT	24

SHKURTIME

AKCESK	Autoriteti Kombëtar për Certifikimin Elektronik dhe Sigurinë Kibernetike
AKPA	Agjencia Kombëtare e Punësimit dhe Aftësive
AKSHI	Agjencia Kombëtare e Shoqërisë së Informacionit
AMA	Autoriteti Mediave Audiovizive
AMVV	Agjencia për Mbështetjen e Vetëqeverisjen Vendore
AP	Avokati i Popullit
AS	Akademia e Sigurisë
ASCAP	Agjencia e Sigurimit të Cilësisë së Arsimit Parauniversitar
ASHDMF	Agjencia Shtetërore për të Drejtat dhe Mbrojtjen e Fëmijës
BE	Bashkimi Evropian
DAP	Departamenti i Administratës Publike
DM	Drejtësia për të Mitur
DNJF	Drejtoria e Ndihmës Juridike Falas
DPAP	Drejtoria e Përgjithshme e Arsimit Parauniversitar
DPB	Drejtoria e Përgjithshme e Burgjeve
DPP	Drejtoria e Përgjithshme e Përmbarimit
DPPSH	Drejtoria e Përgjithshme e Policisë së Shtetit
DPSHP	Drejtoria e Përgjithshme e Shërbimit të Provës
DVP	Drejtoria Vendore e Policisë
DHASH	Dhoma e Avokatisë e Shqipërisë
DHKN	Dhoma Kombëtare e Ndërmjetësve
IAL	Institucione të Arsimit të Lartë
IML	Instituti i Mjekësisë Ligjore
ILD	Inspektori i Lartë i Drejtësisë
INSTAT	Instituti i Statistikave i Republikës së Shqipërisë

IDP	Komisioneri për të Drejtën e Informimit dhe Mbrojtjen e të Dhënave Personale
KDPM	Kodi i Drejtësisë Penale për të Mitur
KMD	Komisioneri për Mbrojtjen nga Diskriminimi
KLJG	Këshilli i Lartë Gjyqësor
KLP	Këshilli i Lartë i Prokurorisë
KM	Këshilli i Ministrave
MAS	Ministria e Arsimit dhe Sportit
MB	Ministria e Brendshme
MD	Ministria e Drejtësisë
MFE	Ministria e Financave dhe Ekonomisë
MSHRF	Ministër i Shtetit për Rininë dhe Fëmijët
MSHMS	Ministria e Shëndetësisë dhe Mbrojtjes Sociale
NJMF	Njësia e Mbrojtjes së Fëmijës
NJQV	Njësitë e Qeverisjes Vendore
OSHC	Organizata të Shoqërisë Civile
PP	Prokuroria e Përgjithshme
PR	Parlamenti Rinor
SDM 2022-2026	Strategjia e Drejtësisë për të Mitur dhe Plani i Veprimit 2022-2026
SIDhDPM	Sistemi i Integruar i të Dhënave të Drejtësisë Penale për të Mitur
PV	Plani i Veprimit për Zbatimin e Strategjisë së Drejtësisë për të Mitur
QPKMR	Qendra e Parandalimit të Krimeve të të Miturve dhe të Rinjve
RSH	Republika e Shqipërisë
RTSH	Radio Televizioni Shqiptar
SASPAC	Agjencia Shtetërore e Programimit Strategjik dhe Koordinimit të Ndihmës
SHM	Shkolla e Magjistraturës
SHSSH	Shërbimi Social Shtetëror
TdH	Terre des Homes
UNICEF	Fondi i Kombeve të Bashkuara për Fëmijët
UP	Urdhri i Psikologut

UPS	Urdhri i Punonjësit Social
VKM	Vendim i Këshillit të Ministrave
ZSHQ	Zyra në Shërbim të Qytetarëve

I. PËRMBLEDHJE EKZEKTUTIVE

Legjislacioni shqiptar bazohet në parimet e drejtësisë miqësore për fëmijët, e cila ka në thelb të saj garantimin e respektit dhe efektivitetin e zbatimit të të gjithë të drejtave të fëmijëve, në nivelin më maksimal të mundshëm. Kuadri ligjor vendas synon të garantojë elementët e domosdoshëm të drejtësisë miqësore të tillë si: aksesueshmëria, përshtatshmëria, efektiviteti në raport të drejtë me nevojat dhe respektimin e të drejtave të fëmijëve. Parime të tilla si pjesëmarrja dhe informimi, interesi më i lartë i fëmijës, dinjiteti, mbrojtja nga diskriminimi, shteti i së drejtës, qëndrojnë në themel të kuadrit ligjor shqiptar. Drejtësia miqësore përfshin të drejtën për një proces të rregullt ligjor, të drejtën për pjesëmarrje dhe për të kuptuar procedurat, të drejtën për respektimin e jetës private dhe familjare si dhe të integritetit dhe dinjitetit. Gjithashtu *"interesi më i lartë i fëmijës"* paraqitet si një parim me shtrirje kapilare në gjithë legjislacionin tonë të brendshëm. Kuadri ligjor i drejtësisë për të mitur i është përmbajtur instrumentave ndërkombëtare të ratifikuara dhe është zhvilluar në përputhje me standardet e Konventës së OKB-së *"Për të Drejtat e Fëmijës"*, ato të BE-së dhe të Këshillit të Evropës.


Strategjia e Drejtësisë për të Mitur 2022-2026 dhe Plani i saj i Veprimit është strategjia e dytë në fushën e drejtësisë për të mitur. Dokumentet e saj strategjike përfshirë si, Plani i Veprimit dhe Pasaporta e Indikatorëve, u miratuan në me VKM Nr. 892, datë 27.12.2022 dhe zbatimi i saj nisi menjëherë.

Zbatimi i "SDM 2022-2026" është arritur përmes një sistemi monitorimi dhe vlerësimi për të verifikuar progresin në plotësimin ose jo të objektivave specifike dhe masave të vendosura në Planin e Veprimit.

Rrjeti Ndërinstitucional në nivel qendror për zbatimin e strategjisë është grupi ku diskutohen çështje të ecurisë së zbatimit të objektivave dhe masave të "SDM 2022-2026" me qëllim bashkëpunimin ndërinstitucional me grupet e interesit. Rrjeti Ndërinstitucional në nivel qendror, drejtohet nga Ministria e Drejtësisë dhe ka në përbërje të tij përfaqësues nga institucionet e tjera ligjzbatuese, që janë përgjegjëse për zbatimin dhe monitorimin e treguesve në kompetencën e tyre. Ky rrjet mbështetet në veprimtarinë e tij nga Sekretariati Teknik (ST), i cili do të drejtohet nga Ministria e Drejtësisë.

SDM 2022-2026 parashikon për zbatim gjatë 5 viteve të implementimit të saj 13 Objektiva Specifike dhe 64 masa për të kontribuar në performancën e 45 indikatorëve cilësorë dhe sasiorë. Raporti paraqet gjithashtu një analizë të thellë mbi zbatimin të 45 indikatorëve të parashikuar në Pasaportën e Indikatorëve, lidhur me secilin Qëllim Politik dhe Objektiv Specifik.

II. REALIZIMI I QËLLIMEVE TË POLITIKËS NË VITIN 2023



III. METODOLOGJIA E PËRDORUR PËR HARTIMIN E RAPORTIT TË MONITORIMIT DHE PERFORMANCËS

Metodologjia e Raportit të Monitorimit, përshkruan procesin e ndjekur gjatë hartimit të raportit dhe ka si qëllim kryesor të mundësoj udhëzimet e nevojshme për lehtësimin në kuptueshmërinë e tij, si dhe të orientohet drejt prezantimit të rezultateve kryesore për të nxjerrë në pah arritjet, sfidat dhe rekomandimet e adresuara për përmirësim. Për të siguruar një proces monitorimi bazuar në arritje konkrete, Ministria e Drejtësisë realizon komunikime intensive me përfaqësuesit e strukturave të përfshira në Planin e Veprimit, me qëllim prezantimin e drejtë dhe të qartë të rezultateve dhe problematikave të hasura gjatë periudhës së raportimit. Kështu, gjatë periudhës hartuese, është mbajtur një komunikim i vazhdueshëm (verbal dhe zyrtar) në varësi të specifikave për plotësimin e dokumentave raportues me disa prej institucioneve të përfshira në strategji, me qëllim evidentimin e rasteve të suksesit, të cilat kanë sjellë rezultate të dukshme në veprimtarinë e tyre, gjithashtu identifikimin e sfidave, problematikave dhe komponentëve të cilët kanë ndikuar apo penguar progresin apo zbatimin e aktiviteteve të parashikuara.

Gjithashtu, gjatë periudhës Dhjetor 2023 - Janar 2024, me mbështetjen e UNICEF, në ambientet e MD sipas nje kalendari të aprovuar nga stafi i MD, janë zhvilluar trainime me pjesëmarrjen e të gjitha institucioneve raportuese në lidhje me mënyrën e unifikuar të raportimit të masave/aktiviteteve si dhe pasaportën e indikatorëve.

Ministria e Drejtësisë, harton raporte gjashtëmujore dhe vjetore për monitorimin dhe raportimin e dokumenteve strategjike, të cilët prodhojnë informacion të nevojshëm për politikëbërësit mbi progresin e zbatimit të masave që janë parashikuar në planin e veprimit të SDM-së për vitet e ardhshme, raporte të cilat publikohen në faqen zyrtare të MD-së.

Ministria e Drejtësisë ka hartuar raportin e monitorimit dhe të performancës për periudhën përkatëse sipas manualit të hedhjes së të dhënave në sistemin IPSIS miratuar me vendimin nr. 290, datë 11.4.2020 “Për krijimin e bazës të të dhënave shtetërore të sistemit informatik të planifikimit të integruar (SIPI/IPSIS).

➤ Koordinimi institucional për hartimin e raportit të monitorimit dhe performancës

Në zbatim të Urdhrit të Kryeministrit Nr. 128, dt. 08.11.2021 “Për miratimin e strukturës dhe të organikës së Ministrisë së Drejtësisë”, është ngritur Sektori i Monitorimit, Jetësimin të Prioriteteve dhe Statistikave, pranë Drejtorisë së Politikave dhe Strategjive në Fushën e Drejtësisë, e cila është struktura përgjegjëse për procesin monitorues si dhe hartimin e Raporteve të Monitorimit të Strategjive. Ky sektor kryen koordinimin me të gjitha institucionet përgjegjëse, si dhe më pas vijon me hartimin e raportit të monitorimit. Raporti i monitorimit të dokumentit strategjik (SDM 2022-

2026) për periudhën 1 janar deri më 31 dhjetor 2023, është hartuar mbi bazën e kontributit të dhënë nga institucionet përgjegjëse dhe kontributore të planit të veprimit.

➤ **Periodiciteti i hartimit të Raportit të Monitorimit dhe Performancës**

Ministria e Drejtësisë, harton raporte gjashtëmujore dhe vjetore për monitorimin dhe raportimin e dokumenteve strategjike, të cilët prodhojnë informacion të nevojshëm dhe në kohë për politikëbërësit mbi progresin e zbatimit të masave që janë parashikuar në planin e veprimit të SDM (2022-2026) për vitet e ardhshme, raporte të cilat publikohen në linkun: www.drejtësia.gov.al/strategjia-ndersektoriale-2/.

➤ **Fazat e ndjekura për hartimin e Raportit të Monitorimit dhe Performancës**

Fazat që janë ndjekur për përgatitjen dhe konsolidimin e raportimit të monitorimit dhe performancës, paraqiten si më poshtë:

- Kërkesa për kontribut në hartimin e raportit u dërgua në datë 15 janar 2024 tek të gjitha institucionet raportuese në përputhje me standardet e sistemit IPSIS dhe Parimet e Mirëqeverisjes;
- Organizimi i trainimeve, me asistencën e UNICEF dhe me pjesëmarrjen e institucioneve raportuese:
 - 1) Trainimi i parë i organizuar në datë 21 dhjetor 2023 me pjesëmarrjen e KLGJ, KLP, PP MD dhe Institucionet e varësisë QPKMR, DNJF, SHP, DPB përfshirë dhe DHKN dhe DHKA.
 - 2) Trainimi i dytë u organizua më datë 9 janar 2024 me pjesëmarrjen e AMA, RTSH, DPP, MAS, MSHFR, KDIMDHP, AP, KMD.
 - 3) Trainimi i tretë u organizua më datë 10 janar 2024 me pjesëmarrjen e MB dhe institucionet e varësisë (DPPSH, Akademia e Sigurisë), SHM
 - 4) Trainimi i katërt u organizua më datë 11 janar 2024 me pjesëmarrjen e MSHMS dhe institucionet e varësisë ASHMDF, SHSSH, Shkolla e magistraturës, UP.
- Hartimi i draftit të parë të raportit të performancës në datën 25 mars 2024;
- Dërgimi për komente shtesë nga institucionet kontribuese në datën 29 mars 2024. Kjo për arsye se disa institucione nuk kishin dërguar inpute ose inputet e dhëna nuk ishin në përputhshmëri me kërkesat e masave dhe objektivave;
- Hartimi i draftit të dytë të raportit në datën 15 prill 2024;
- Publikimi i Raportit Vjetor të Monitorimit në faqen zyrtare të Ministrisë së Drejtësisë (nëntor 2024).

- Dërgimi i procedurave të mbledhjes (minutat e takimit, konkluzionet operacionale, raporti i konsultimit publik) dhe paketa finale, së bashku me linkun e publikimit për njohje SASPAC datë (nëntor 2024).

➤ Metodologjia e analizimit të të dhënave për raportin e monitorimit dhe performances

Raporti shpreh qartë vlerësimin e arritjeve kryesore duke përdorur grafikë, analiza të thelluara, edhe vizualisht përmes tabelave. Gjithashtu paraqitet qartë identifikimi i shkallës së performancës për Qëllimet e Politikave dhe Objektivet Specifikë.

Analiza mbi progresin e realizimit të Qëllimeve Politike ndjek një qasje të strukturuar. Progresi lidhur me secilin Qëllim Politik është analizuar në përgjithësi sipas Objektivave Specifikë (OS) përkatës. Në vijim, për secilin OS është paraqitur një përmbledhje e rezultateve sasiore dhe cilësore të zbatimit të masave përkundrejt kryerjes së veprimeve për realizimin e tyre nga institucionet përgjegjëse, analiza e risqeve dhe veprimeve për adresimin e tyre (sipas rastit) dhe analiza e treguesve të performancës, nëse kjo ka qenë e mundur mbi bazën e të dhënave të paraqitura nga institucionet përgjegjëse. Prezantimi i rezultateve mbi zbatimin a masave ndjek numërimin e Planit të Veprimit dhe është prezantuar me sfond me ngjyrë sipas nivelit të zbatimit (të zbatuara plotësisht/ të zbatuara pjesërisht/ të pazbatuara). Masat të cilat fillojnë periudhën e zbatueshmerisë pas vitit 2023 janë shënuar me sfond të bardhë.

Përcaktimi i nivelit të zbatimit të masave (në përqindje) është ai i raportuar nga secili institucion përgjegjës, dhe është evidentuar në kontributet e përcjella prej tyre mbi çdo aktivitet të përcaktuar. Gjithashtu, shkalla e zbatimit të masave është përcaktuar në bazë të intervalit:

- ✓ **E zbatuar:** masa e cila është përmbushur në vlerën 40-100%;
- ✓ **E pazbatuar:** masa e cila nuk ka pasur zhvillim dhe progres për periudhën raportuese (vlera e raportuar 0%-40%).

Përcaktimi i nivelit të realizimit të OS është përlogaritur si mesatarja e përqindjes së zbatimit të masave përkatëse. Analiza në nivelin e mesatares së përqindjes së zbatimit të masave pasqyron në mënyrë më të drejtpërdrejtë arritjet lidhur me Objektivat Specifikë në vitin 2023.

Përcaktimi i nivelit të realizimit të Qëllimeve të Politikave është përlogaritur si mesatarja e përqindjes së realizimit të Objektivave Specifikë përkatës.

➤ Konsultimi publik i raportit të monitorimit dhe performances

Një komponent i rëndësishëm i mirëqeverisjes që ndërlidhet me rritjen e cilësisë së llogaridhënies dhe transparencës së institucioneve publike si dhe forcimin e demokracisë është procesi i konsultimit publik. Tashmë korniza rregullatore për konsultimin publik është unifikuar dhe ka ndikuar në përmirësimin e transparencës dhe cilësisë së politikave. Prioritare mbetet përfshirja


aktive e publikut dhe shoqërisë civile në proceset e politikëbërjes. Në përputhje me kriteret ligjore për konsultimin publik, pas hartimit të draft raportit, Ministria e Drejtësisë e dërgoi në datën 15 prill 2024 dokumentin për konsultim pranë institucioneve raportuese dhe organizatave të shoqërisë civile, si dhe e publikoi draftin në faqen zyrtare të Ministrisë së Drejtësisë, ku caktohet dhe një adresë elektronike për marrjen e komenteve, në faqen e internetit www.drejtësia.gov.al, në menu www.drejtësia.gov.al/konsultime/ . Në përfundim të procesit konsultues, Ministria e Drejtësisë kreu reflektimin e komenteve/sugjerimeve relevante mbi draft raportin e monitorimit dhe vijoi me zhvillimin e një takimi të dedikuar, në kuadër të diskutimit të analizës së kryer, gjetjeve të raportit, vlerësimit të qëllimeve të politikës në prezencë të të gjithë institucioneve zbatuese dhe raportuese të planit të veprimit. Pas miratimit të raportit, Ministria e Drejtësisë publikoi në faqen e tij zyrtare raportin në gjuhën Shqipe.

IV. PROGRESI I ECURISË PËRMBLEDHJE E ARRITJEVE DHE SFIDAVE KRYESORE

Në mënyrë të përmbledhur, viti 2023 ka shënuar disa arritje të rëndësishme, pozitive dhe inkurajuese në fushat kryesore të Strategjisë Ndërsektoriale të Drejtësisë për të Mitur të cilat janë përkthyer në rezultate konkrete dhe kanë pasur impakt në disa drejtime në lidhje me katër Qëllimet e Politikave të Strategjisë Ndërsektoriale të Drejtësisë për të Mitur. Gjithashtu, sfidat kanë qenë prezente në disa sektorë të cilat kanë ndikuar në performancën e ulët të të disa Objektivave specifikë.

➤ Qëllimi i Parë i Politikës

“Parandalimi i veprave penale ndaj fëmijëve dhe të kryera prej tyre, përmes edukimit, informimit dhe ndërgjegjësimit të shoqërisë dhe fëmijëve”.



Plani i Veprimit për Qëllimin e Parë Politik parashikon **9 masa** për tu zbatuar në vitin 2023 nga të cilat:

- 4 masa janë zbatuar plotësisht ose **45%** e tyre;
- 4 masa janë zbatuar pjesërisht ose **44%** e tyre;
- 1 masë është e porealizuar ose **11%** e masave.

Lidhur me përmbushjen e Objektivave Specifikë konstatohet se:

- Niveli i realizimit të OS 1.1 është **83%** dhe për OS 1.2 është **16%**.

Shkalla e realizimit së Qëllimit të Parë për këtë periudhë raportimi në lidhje me zbatimin e masave është **49%**.

Informacion mbi zbatimin e masës:


- ✚ Ministria e Arsimit dhe Sportit vijon me sesionet informuese për nxënësit nga mësuesit e lëndës së Qytetarisë dhe mësuesit kujdestar në lidhje me njohuritë për të drejtat e fëmijës si dhe të drejtën për të pasur në çdo kohë qasje në shërbimet e drejtësisë miqësore për çdo fëmijë.
- ✚ Tre institucione që punojnë me dhe për fëmijët (MSHMS, DNJF dhe QPKMR) kanë informacione online të përditësuara e të publikuara me një gjuhë miqësore për fëmijët si dhe për të drejtat dhe shërbimet e drejtësisë miqësore për ta.
- ✚ Gjatë vitit 2023, AKCESK në kuadër të objektivit strategjik për rritjen e sigurisë online të fëmijëve në hapësirën kibernetike në bashkëpunim me organizatën International Telecommunication Union (ITU), kanë zhvilluar fushata ndërgjegjësimi për të edukuar, fuqizuar dhe këshilluar fëmijët, punonjësit për mbrojtjen e fëmijëve dhe prindërit, lidhur me kërcënimet me të cilat mund të përballen në internet.
- ✚ Drejtoria e Përgjithshme e Arsimit Parauniversitar në kuadër të fuqizimit të sigurisë në shkollë raporton se janë zhvilluar takime të shumta nga oficerë të sigurisë në çdo shkollë (jo më pak se 4 takime në një vit shkollor) për parandalimin e veprave penale ndaj fëmijëve dhe të kryera prej tyre. Do të përmirësohet edhe hartimi i kalendarit të takimeve dhe tematikave përkatëse për periudhën në vijim.
- ✚ Radio Televizioni Shqiptar ka zhvilluar programe informuese dhe edukuese për fëmijët në mediat audiovizive kombëtare dhe lokale si dhe me pjesëmarrjen e fëmijëve.
- ✚ Komisioneri për Mbrojtjen nga Diskriminimi ka zhvilluar aktivitete informuese dhe ndërgjegjësuere me fokus qasjen tek shërbimet e drejtësisë miqësore në çdo kohë për çdo fëmijë.
- ✚ Avokati i Popullit ka luajtur rol proaktiv sa i përket promovimit të të drejtave të fëmijëve duke organizuar veprimtari me qëllim rritjen e nivelit të vizibilitetit, advokacisë dhe lobimit, në bashkëpunim me fëmijët dhe organizatat e shoqërisë civile, që punojnë në fushën e të drejtave të fëmijëve. Me qëllim përmirësimit e njohurive të nxënësve, mësuesve dhe prindërve për të drejtat themelore të fëmijëve, si dhe punën e veprimtarinë e Avokatit të Popullit për mbrojtjen e këtyre të drejtave, janë organizuar tipologji të ndryshme të veprimtarive promovuese, të tilla si: - Shpërndarja e materialeve promovuese (fletëpalosje, praktikat më të mira të punës së AP-së, raste suksesi, raporte të veçanta, etj);

- Ditë të hapura; - Takime informuese me nxënësit; - Takime online; - Pjesëmarrje dhe mbështetje në aktivitetet e zhvilluara dhe të organizuara nga vetë nxënësit e shkollave 9-vjeçare e të mesme. Janë realizuar “Ditë të hapura”, gjithsej 42, nga të cilat 20, të organizuara në shkolla 9-vjeçare dhe të mesme, duke promovuar rolin e Avokatit të Popullit dhe Komisionerit të Mbrojtjes dhe Promovimit të të Drejtave të Fëmijëve, në drejtim të garantimit e mbrojtjes së të drejtave të fëmijëve, si dhe konsolidimit të njohurive të nxënësve, prindërve dhe stafit pedagogjik për veprimtarinë e AP për mbrojtjen e këtyre të drejtave. Gjithashtu është dëgjuar zëri i fëmijëve për çështje dhe problematika që i shqetësojnë ata.

- ✚ Avokati i Popullit (Seksioni për Mbrojtjen dhe Promovimin e të Drejtave të Fëmijëve) ka hartuar në bashkëpunim me UNICEF-in një broshurë informuese të dedikuar për fëmijët me aftësi të kufizuara, e cila pasqyron rastet e suksesit të trajtuara nga Avokati i Popullit me qëllim për t'i dhënë më shumë zë këtyre fëmijëve dhe të drejtave të tyre, e cila është publikuar në faqen zyrtare si dhe në platformën Facebook. Për më shumë mund t'i referoheni linkut: <https://smpdf.org/botime>
- ✚ Zyra e Komisionerit për të Drejtën e Informimit dhe të Dhënave Personale në bashkëpunim me Qendrën Shqiptare për Zhvillim të Qëndrueshëm (ASDO), me mbështetjen e Ambasadës Zvicerane në Tiranë, organizuan disa takime ndërgjegjësuese në institucione të arsimit parauniversitar, në kuadër të projektit “Siguria kibernetike dhe mbrojtja e të dhënave”.
- ✚ Drejtoria e Ndhmës Juridike Falas ka përgatitur një Manual të thjeshtëzuar “Si të përfitojmë ndihmë juridike”. Ky manual përmban një informacion ligjor në një formë të thjeshtë dhe të kuptueshme nga të miturit si dhe nga personat e tjerë kategori përfituese e ligjit.
- ✚ Qendra e Parandalimit të Krimeve të të Miturve dhe të Rinjve ka përkthyer të gjitha materialet audiovizive në gjuhën e shenjave gjatë vitit 2023.
- ✚ Janë bërë hapa pozitivë në drejtim të përmirësimit të instrumentave për dhënien e informacionit online me një gjuhë miqësore për çdo fëmijë nga të gjithë institucionet që ofrojnë shërbime për fëmijë, duke marrë në konsideratë veçanërisht nevojat e fëmijëve me aftësi të kufizuara.

➤ Qëllimi i Dytë i Politikës

“Një kuadër ligjor, institucional dhe me profesionistë që mundësojnë një drejtësi miqësore për çdo fëmijë”.



Plani i Veprimit për Qëllimin e Dytë Politik parashikon **19 masa** për tu zbatuar në vitin 2023 nga të cilat:

- 4 masa janë zbatuar plotësisht ose **21%** e tyre;
- 2 masa janë zbatuar pjesërisht ose **10%** e tyre;
- 6 masa janë të porealizuara ose **32%** e masave;
- 7 masa janë të paraportuara ose **37%** e masave.

Lidhur me përmbushjen e Objektivave Specifikë konstatohet se:

- Niveli i realizimit të OS 2.1 është **25%**, për OS 2.2 është **44%** dhe OS 2.3 është **62%**.

Shkalla e realizimit së Qëllimit të Dytë për këtë periudhë raportimi në lidhje me zbatimin e masave është **43%**.

Informacion mbi zbatimin e masës:


- ✚ Drejtoria e Përgjithshme e Përmbartimit raporton se 60 vendime të detyrimeve ushqimore janë të ekzekutuara nga totali 9,899 çështje me objekt “Pension ushqimor” dhe “Takim me fëmijë” dhe “Kujdestari fëmijë”.
- ✚ Komisioneri për Mbrojtjen nga Diskriminimi ka trajtuar 18 ankesa me subjekte fëmijët në fushën e të mirave dhe shërbimeve. Nga ankesat e trajtuara, Komisioneri ka konstatuar: 5 vendime pushimi për të cilat është arritur efektiviteti dhe qëllimi për të cilin ato i ishin

nënshtuar procedurave të shqyrtimit administrativ; 1 vendim ku KMD ka konstatuar diskriminimin e fëmijëve të cilat vijnë nga familje në nevojë; 3 vendime mosdiskriminimi; ndërsa për 9 ankesa të tjera Komisioneri vijon procedurat e shqyrtimit të tyre gjatë vitit 2024.

- ✚ Gjatë vitit 2023, Seksioni për Mbrojtjen dhe Promovimin e të Drejtave të Fëmijëve në institucionin e Avokatit të Popullit ka adresuar gjithsej 29 rekomandime drejtuar institucioneve qendrore dhe vendore të administratës publike me objekt mbrojtjen dhe garantimin e të gjitha të drejtave të fëmijëve.
- ✚ Kodi i Ri i Transmetimit ka hyrë në fuqi me vendimin e AMA-s nr. 60, datë 10.07.2023 dhe përmban 11 seksione, kundrejt 8 seksioneve që përmbante Kodi paraardhës. Në këtë Kod të ri një seksion është i dedikuar specifikisht rregullimit të imazhit të transmetuar të fëmijës në mediat audiovizive (Seksioni 4 i Kodit (Fëmijët në Transmetimet Audio dhe Audiovizive).
- ✚ AMA përmes Këshillit të Ankesave, ka realizuar në periudhën 2022-2023 12 tryeza konsultuese me operatorët e shërbimeve të mediave audiovizive në të gjitha qarqet e RSH-së.
- ✚ Shkolla e Magjistraturës ka nisur marrjen e masave për realizimin e evidentimin të programeve që trajtojnë çështjet e drejtësisë për të mitur. Konkretisht është duke u punuar si në aspektin teknik, duke krijuar një nënfaqe të posacme për evidentimin e aktiviteteve për të miturit, edhe në aspektin akademik, për të grupuar temat, si në Programin e Formimit Fillestar edhe në atë Vazhdues, që trajtojnë aspekte të ndryshme të drejtësisë për të mitur.
- ✚ Ngritja dhe caktimi i prokurorëve të specializuar në seksionet e të mtiurve, është bërë e mundur në 11 prokurori pranë gjykatave të shkallës së parë me juridiksion të përgjithshëm (Tiranë, Durrës, Elbasan, Shkodër, Fier, Lezhë, Korçë, Gjirokastrë, Vlorë, Berat, Sarandë), ndërsa në 2 prokurori (Kukes, Dibër) është caktuar një prokuror për të ndjekur çështjet me të mitur sipas parashikimeve të KDPM.
- ✚ Vazhdon me sukses forcimi i kapaciteteve të punonjësve të Qendrës së Parandalimit të Krimeve të të Miturve dhe të Rinjve. Këto trainime janë kryer më së shumti nga UNICEF dhe OSCE në Shqipëri.
- ✚ 2 staf i MD-së janë trainuar për konsolidimin e statistikave dhe përgatitjen e raportit të monitorimit të SDM 2022-2024.

➤ Qëllimi i Tretë i Politikës

“Garantimi i qasjes në çdo kohë në drejtësinë miqësore për çdo fëmijë. Garantimi i qasjes në çdo kohë në drejtësinë miqësore për çdo fëmijë”.



Plani i Veprimit për Qëllimin e Tretë Politik parashikon **9 masa** për tu zbatuar në vitin 2023 nga të cilat:

- 1 masë është zbatuar plotësisht ose **11%** e tyre;
- 3 masa janë zbatuar pjesërisht ose **34%** e tyre;
- 3 masa janë të porealizuara ose **33%** e masave;
- 2 masa janë të paraportuara ose **22%** e masave.

Lidhur me përmbushjen e Objektivave Specifikë konstatohet se:

- Niveli i realizimit të OS 3.1 është **82%**, për OS 3.2 është **33%** dhe OS 3.3 është **32%**.

Shkalla e realizimit së Qëllimit të Tretë për këtë periudhë raportimi në lidhje me zbatimin e masave është **49%**.

Informacion mbi zbatimin e masës:


- ✚ Drejtorja e Ndhmës Juridike Falas ka ofruar ndihmë juridike falas për 399 të mitur në konflikt /kontakt me ligjin. Do të punohet nga institucioni në lidhje me përpunimin e të dhënave të ndara sipas gjinisë , vendndodhjes apo cështjeve.
- ✚ Për vitin 2023, janë realizuar 334 takime/fushata për informimin/ndërgjegjësimin në lidhje me ndihmën juridike falas të dedikuara për të gjitha llojet e kategorive përfituese të ligjit.

Në këto fushata kanë përfituar edhe fëmijë në konflikt/kontakt me ligjin krahas kategorive të tjera përfituese të ligjit.

- ✚ Organizata të ndryshme të licensuara nga Ministria e Drejtësisë kanë ngritur ekipe lëvizëse në terren për informimin dhe ofrimin e ndihmës juridike.
- ✚ Dhoma Kombëtare e Avokatisë raporton se janë hartuar dhe janë dërguar listat e avokatëve të specializuar që ofrojnë ndihmë juridike dytësore për fëmijët në prokurori dhe gjykata si dhe në Ministrinë e Drejtësisë.
- ✚ DPPSH raporton se Njësitë Miqësore të Intervistimit me të Mitur janë marr në administrim dhe mirëmbajtur nga DVP që i kanë pasur në përdorim gjatë vitit 2023.
- ✚ Drejtoria e Përgjithshme e Policisë së Shtetit ka shpërndarë në cdo DVP gjatë vitit 2022, Manuale për Metodën e Hetimit dhe Intervistimit me të Mitur, të gjithë punonjësve të policisë që janë trajnuar për temat që lidhen me hetimin e veprave penale me të mitur, intervistimin e të miturve apo përdorimin e njësive të intervistimit me të mitur. Këto manuale kanë shërbyer si orientim për cdo Specialist të Hetimit të Krimin në komisaritet e policisë, në rastet e intervistimit me të mitur.
- ✚ Drejtoria e Përgjithshme e Policisë së Shtetit ka 15 Njësi Miqësore të Intervistimit me të Mitur, (Kamëz, Vorë, Krujë, Durrës, Elbasan, Shkodër, Lezhë, Vlorë, Berat, Gjirokastrë, Dibër, Kukës, Fier, Korçë dhe Sarandë), të cilat janë në përdorim të drejtorive vendore/komisariateve të policisë. Këto njësi janë të pajisura me sistemin video-audio të intervistimit të të miturve, të ofruar nga OJF.
- ✚ Drejtoria e Përgjithshme e Policisë së Shtetit ka vlerësuar problematikën e sigurimit të shërbimit edhe për personat me aftësi të kufizuara dhe aksesueshmërinë e ambienteve të ZSHQ-të (Zyrat në Shërbim të Qytetarëve) prej tyre. Në përgjithësi të gjitha ZSHQ-ve, janë të aksesueshme nga personat P.A.K, po ashtu edhe struktura qendrore e policisë DPPSH dhe ato vendore, me përjashtim të disa DVP të cilat për shkak të konstruksionit të favorshëm, kanë aksesueshmëri të drejtëpërdrejtë në ambientet e ZSHQ-të (Zyrat në Shërbim të Qytetarëve). Në të gjitha objektet e reja të projektuara e ndërtaura, si dhe ato të rikonstruara është vënë si kusht dhe është plotësuar infrastruktura e nevojshme për personat me aftësi të kufizuara.
- ✚ Shërbimi Përmbarimor Gjyqësor ka realizuar standarde të mjediseve miqësore dhe të përshtatshme për fëmijët në zyrat e tyre, përfshirë personat me aftësi të kufizuara pasi është mundësuar evidentimi i nevojës për përmirësim të infrastrukturës në 22 zyrat vendore, konkretisht për sistemim me ambiente të përshtatshme për kryerjen e veprimtarisë së tyre, e për rrjedhojë edhe të ekzekutimit të titujve ekzekutivë me objekt fëmijët.
- ✚ 12 prokuri te rretheve gjyqësore Tiranë, Durrës, Shkodër, Kukës, Dibër, Vlorë, Elbasan, Korçë, Lezhë, Fier, Berat, Gjirokastrë kanë ngritur një strukturë të dedikuar pranë tyre për ofrimin e shërbimeve psikologjike.
- ✚ Rastet e intervistimit në Policinë e Shtetit do të asistohen nga psikolog të trajnuar për drejtësinë penale me të Mitur dhe të licensuar nga Urdhri i Psikologut.

➤ Qëllimi i Katërt i Politikës

“Drejtësi penale që mundëson parandalimin e ripërfshirjes së fëmijës në kryerjen e veprave penale, rishoqërimin dhe ri-integrimin e fëmijëve në kontakt/konflikt me ligjin”.



Plani i Veprimit për Qëllimin e Katërt Politik parashikon **18 masa** për tu zbatuar në vitin 2023 nga të cilat:

- 3 masa janë zbatuar plotësisht ose **16%** e tyre;
- 7 masa janë zbatuar pjesërisht ose **39%** e tyre;
- 5 masa janë të porealizuara ose **28%** e masave;
- 3 masa janë të paraportuara ose **17%** e masave.

Lidhur me përmbushjen e Objektivave Specifikë konstatohet se:

- Niveli i realizimit të OS 4.1 është **31%**, për OS 4.2 është **80%** për OS 4.3 është **45%**, për OS 4.4 është **66%** dhe OS 4.5 është **59%**.

Shkalla e realizimit të Qëllimit të Katërt për këtë periudhë raportimi në lidhje me zbatimin e masave është **56%**.

Informacion mbi zbatimin e masës:

- 30% e fëmijëve në kontakt/konflikt me ligjin kanë përfituar shërbime ri-integruese në shoqëri gjatë vitit 2023. Nga 17 të mitur që kanë dalë nga IM Kavaj përgjatë vitit 2023,

- 5 prej tyre kanë përfutuar kurse profesionale dhe shërbime konkrete nga QPKMR. Pjesa tjetër e të miturve janë nën masën e sigurisë "arrestë shtëpie" dhe e kanë të pamundur të ndjekin apo frekuentojnë aktivitete apo shërbime që ofronë QPKMR.
- ✚ Prokuria e Përgjithshme raporton se në kuadër të raportit vjetor, analizohet në mënyrë të veçantë zbatimi i masave alternative të shmangies dhe politika penale ndaj të miturve. Me qëllim konsolidimin dhe shpërndarjen e praktikave më të mira, Qendra për Zhvillim pranë PP, po rishikon Udhëzuesin për prokurorët, hartuar në vitin 2022, për ta pasuruar me raste të tjera nga praktika e zbatimit të masës së shmangies.
 - ✚ Shkolla Magjistraturës ka zhvilluar 5 trajnime të cilat prekin fushën e drejtësisë për të mitur gjatë vitit 2023. Në këto trainime kanë marrë pjesë 16 magjistratë (7 gjyqtarë dhe 9 prokurorë). Konkretisht, aktivitet trajnues më datë 27-28 shkurt 2023, me temë "Zbatimi i masave mjekësore dhe edukuese".
 - ✚ Gjatë vitit 2023, janë trajnuar 79 punonjës policie për tema që lidhen me zbatimin e drejtësisë penale për të mitur dhe janë trajnuar 39 punonjës policie për tema që lidhen me drejtësinë restauruse dhe ndërmjetësimin, në trajtimin e konflikteve të të miturve nëpër shkolla, sipas Programit të Punës "Për zbatimin e prioriteteve dhe objektivave të përcaktuara nga Ministri i Brendshëm në paketën e sigurisë për shkollat, 2023-2024".
 - ✚ Me riorganizimin dhe ndryshimet strukturore të vitit 2023 në Drejtorinë e Përgjithshme të Policisë së Shtetit në 11 Drejtoritë Vendore të Policisë, në Sektorin për Krimet në Volum, ka 1 funksion organik "Specialist për dhunën në familje dhe mbrojtjen e të miturve".
 - ✚ 31 të mitur janë raportuar në total: të paraburgosur (27) dhe të dënuar (4) gjatë vitit 2023; 3 (tre) të etnisë Rome, 6 (gjashtë) të etnisë egjiptiane, 1 (një) i shtetësisë kosovare dhe 21 shqiptarë
 - ✚ 183 fëmijë (14-18 vjeç) janë trajtuar nga Zyrat Territoriale të Shërbimit të Provës gjatë vitit 2023. Këta janë raste të të miturve me masë shmangieje ose masë alternative të dënimit me burgim, si dhe hartim të Raportit të Vlerësimit Individual për të miturin në konflikt me ligjin. Ndarë si më poshtë: 57 raste të hedhura gjithsej për masat e dhëna me dënim alternativ për periudhën Janar – Dhjetor 2023.
 - ✚ Drejtoria e Përgjithshme e Burgjeve raporton se gjatë vitit 2023 dhe në vazhdim ka qenë në proces hartimi i një marrëveshje bashkëpunimi me AKPA me qëllim fuqizimin e formimit profesional në sistemin e burgjeve përfshirë edhe të burgosurit e mitur. Gjithashtu, është në proces miratimi i një udhëzimi të përbashkët ndërmjet MD dhe MFE për arsimin dhe formimin profesional të të burgosurve, proces që po koordinohet nga MD.
 - ✚ Shërbimi Social Shtetëror në bashkëpunim me mbështetjen e partnerëve të programit LNB2, në qershor 2023, organizata PNUD ka realizuar një projekt "Hartëzimi i Shërbimeve të Kujdesit Shoqëror".
 - ✚ 7 marrëveshje të reja të bashkëpunimit janë nënshkruar nga QPKMR me të gjitha institucionet e përfshira në zbatimin e programeve të rehabilitimit dhe riintegrit të të miturve në konflikt me ligjin. Institucionet me të cilat janë nënshkruar marrëveshjet janë si më poshtë:

1. Marrëveshje me Qendrën e Rehabilitimit për Çrregullimet Adiktive ALBA NOSTRA SALUS;
2. Marrëveshje me Qendrën ACT FOR SOCIETY;
3. Albanian Initiative for Development;
4. Marrëveshje me Dhomën Kombëtare të Ndërmjetësve;
5. Marrëveshje me Urdherin e Punonjësit Social;
6. Marrëveshje me ASHDMF;
7. Qendra "Brain Bee"


✚ Gjatë vitit 2023, ka qenë në proces konsultimi të brendshëm në Prokurorinë e Përgjithshme mundësia që nëpërmjet një qarkoreje ose ndërhyrje në akte nënligjore të nxitet aplikimi i masave të tjera alternative në përputhje me nevojat e të miturit dhe rrethanat e kryerjes së veprës penale.

✚ Nga të dhënat statistikore të prokurorive rezulton të jenë aplikuar ndaj 3 të miturve masa detyruese; janë aplikuar ndaj 2 të miturve këshillimi si masë shmangie.

➤ Statusi i zbatimit të masave/aktiviteteve për periudhën Janar – Dhjetor 2023

Lidhur me progresin për secilin Qëllim Politik rezulton se janë realizuar sipas të dhënave më poshtë:

- Realizimi i Qëllimit të Parë është **49%**;
- Realizimi i Qëllimit të Dytë është **43%**;
- Realizimi i Qëllimit të Tretë është **49%**;
- Realizimi i Qëllimit të Katërt është **56%**.



➤ Vlerësimi i sfidave, hapat në vijim

Nga procesi i monitorimit të kryer për periudhën *1 janar – 31 dhjetor 2023*, rezulton se fushat që kanë treguar performancë jo të mirë për këtë periudhë raportimi janë aktivitetet e pa realizuara/pazbatuara.

Mbështetur në rezultatet e monitorimit, sfidat e hasura mbi realizimin e Qëllimeve Politike janë:

- ✚ Nevoja për kapacitete nga bashkitë raportuese për punonjës të rinj të Njësive të Mbrojtjes së Fëmijëve mbi tematika që lidhen me çështjet e prindërimit dhe të ndërveprimit prindër-fëmijë;
- ✚ Buxhet i dedikuar dhe i mjaftueshëm në bashkitë raportuese për kategorinë e fëmijëve në konflikt / kontakt me ligjin;
- ✚ Bashkëpunimi dhe koordinimi i shoqatave, organizatave kombëtare dhe ndërkombëtare për të prodhuar më tepër programe për fëmijë;
- ✚ Nevoja për burime njerëzore nga Ministria e Arsimit dhe Sportit për oficerë të sigurisë, psikologë si dhe punonjës sociale në shkolla;
- ✚ Nevoja për trajnime të dedikuara të punonjësve të Shërbimit të Provës që trajtojnë çështjet e drejtësisë për të mitur;
- ✚ Caktimi i numrit të mjaftueshëm të gjyqtarëve të specializuar, nga Këshilli i Lartë Gjyqësor, në të drejtat e fëmijës në çështjet civile, familjare dhe administrative ku fëmija merr pjesë ose vendimmarrja e tyre ndikon te fëmija;
- ✚ Forcimi i kapaciteteve të psikologëve ndihmës / asistues/ trajtues të rasteve në pyetjet për fëmijët dhe formulimin e tyre nga Urdhëri i Psikologut;
- ✚ Sigurimi i mjediseve miqësore për fëmijën në zyrën e Përmbarrimit Gjyqësor Tiranë;
- ✚ Investime për përmirësimin e standardeve për mjedise miqësore dhe përshtatjen e infrastrukturës për fëmijët, përfshirë personat me aftësi të kufizuara në prokurori;
- ✚ Buxhet i pamjaftueshëm që lidhet me mirëmbajtjen e kushteve fizike të njësive të intervistimit me të mitur, përditësimin e sistemeve të video-audio të tyre apo blerjen e licensave të programeve kompjuterike nga Drejtoria e Përgjithshme e Policisë së Shtetit;
- ✚ Përmirësimi i shërbimeve për fëmijët në kontakt/konflikt me ligjin të ofruara në mjedise miqësore në gjykatat e krijuara sipas hartës gjyqësore të miratuara;
- ✚ Zhvillimi i një buxheti të dedikuar në institucionin e Drejtorisë së Ndihmës Juridike Falas për secilën nga kategoritë përfituese të ligjit nr.111/2017, “*Për ndihmën juridike të garantuar nga shteti*”, pasi buxheti i DNJF-së, është i parashikuar në tërësi për gjithë fushën e veprimtarisë së saj;
- ✚ Mosfunksionimi plotësisht i Sistemit të Integruar i të Dhënave të Drejtësisë Penale për të Mitur në konflikt/kontakt me ligjin si burim statistikor që i vjen në ndihmë analizimit të problematikave të cilat lidhen me të drejtat e fëmijëve.

Në vazhdim të procesit të monitorimit për periudhën vijuese, hapat e mëtejshëm do të fokusohen mbi:

- ✚ Zhvillimin e një strategjie komunikimi nga Bashkitë Targetuese me fokus fëmijët që nuk ndjekin arsimin dhe prindërit e tyre, si dhe fëmijët në rrezik braktisje të arsimit të detyruar për të drejtat e tyre, për parandalimin e veprave penale ndaj fëmijëve dhe të kryera prej tyre dhe për shërbimet e drejtësisë miqësore për çdo fëmijë;
- ✚ Ndërmarrjen e një nisme nga Dhoma Kombëtare e Ndërmjetësve në lidhje me zbatimin e programeve të drejtësisë restauruese dhe ndërmjetësimin në shkolla dhe në komunitet si dhe do të zhvillojë aktivitete informuese, ndërgjegjësuere dhe promovuese me nxënësit, mësuesit dhe prindërit për drejtësinë restauruese dhe ndërmjetësimin për zgjidhjen e konflikteve në shkolla;
- ✚ Identifikimin dhe promovimin e rasteve të suksesit të nismave rinore dhe fëmijëve të integruar në shoqëri nga Zyra Vendore Arsimore Parauniversitare.

Në adresimin e performancës nga institucionet, rezulton se mungesa e burimeve njerëzore specifike (kapacitete institucionale); mungesa e buxheteve specifike për kryerjen e disa veprimtarive të parashikuara; janë arsye dhe shkaqe që kanë çuar në mosrealizim të objektivave të parashikuar për periudhën e raportimit.

Me qëllim përmirësimit të zbatimit dhe rritjes së impaktit të Planit të Veprimit 2022-2023, sfidat e rëndësishme për periudhat vijuese të zbatimit dhe të monitorimit janë:

- ✚ Informacioni i raportuar duhet të përpunohet dhe dërgohet në përputhje me masën e caktuar për zbatim, të jetë faktik, të ketë evidenca të qarta dhe të dhëna analitike. Çdo qëllim politikash duhet të ndërlidhet me nivelin e zbatueshmërisë së masave/aktiviteteve dhe buxhetin e planifikuar dhe të buxhetit faktik të përdorur;
- ✚ Rritja e ndërgjegjësimin të institucioneve përgjegjëse të përfshira në Planin e Veprimit lidhur me rëndësinë që paraqet puna e vazhdueshme për zbatimin e duhur dhe në kohë të PV, si dhe mbi rëndësinë e procesit të raportimit;
- ✚ Rritja e nivelit të përgjegjshmërisë dhe llogaridhënies nga strukturat e brendshme të institucioneve përgjegjëse edhe nëpërmjet fuqizimit të koordinimit ndërinstitucional;
- ✚ Rakordimi i informacionit të marrë nga pikat e kontaktit tek Drejtoritë e Financës, përpara momentit të raportimit;
- ✚ Kryerja e procesit të monitorimit periodik, diskutimit të gjetjeve dhe miratimit të raporteve respektive sipas afateve të raportimit të parashikuara në Strategji;
- ✚ Mungesa e raportimit shumë të rëndësishëm lidhur me Treguesit e Performancës.

Në përmbyllje të këtij raporti monitorimi për periudhën *janar - dhjetor 2023*, të gjetjeve që ky dokument na ofron, të të dhënave analitike që institucionet kanë raportuar dhe të analizës së kryer, kërkohet që:

- ✚ Të vijojë zbatimi i masave në statusin “zbatuar pjesërisht/në proces” sipas afateve të parashikuara;
- ✚ Të nisë zbatimi në kohë i masave/aktiviteteve të parashikuara për periudhën në vijim;
- ✚ Të tregohet kujdes për organizimin e punës dhe proceseve përkatëse për ecurinë e masave e aktiviteteve;

- ✚ Të sigurohet operativiteti i burimeve dhe kapaciteteve njerëzore dhe ekspertizës së nevojshme për kryerjen e tyre;
- ✚ Dërgimi i informacionit mbi disbursimin financiar për aktivitetet e parashikuara në strategji, pasi ndikojnë në pasqyrimin jo real të kostove për zbatimin e Strategjisë;
- ✚ Të sigurohet bashkëpunimi institucional i nevojshëm për masa e aktivitete të përbashkëta;
- ✚ Të garantohet koordinimi i mjaftueshëm për të shkëmbyer në mënyrë të efektshme informacionin dhe zgjidhur problemet penguese që mund të zgjidhen nga institucionet (përgjegjëse dhe bashkëpunëtore).